

Latit.
Gr. Scr.

Longit.
Gr. Scr.

104 INDEX GEOGRAPHICUS.

- dæus à Tarso Ciliciæ, non ignotæ civitatis municeps. c. 9. Paulus ad Christi fidem conversus, & à Judæis ad mortem expetitus, v. 30. fratres duxerunt eum Cæsaream (Palestinæ) & dimiserunt Tarsum. 11. v. 25. Profectus est Barnabas Tarsum, ut quæreret Saülum. 22. v. 3. Ego (Paulus) sum Judæus, natus in Tarso Ciliciæ, nutritus in hac civitate (Jerusalem) secus pedes Gamaliel. Strabo asserit Sardanapalum, uno die Anchialem & Tarsum condidisse.
- Telem. V. Talem.
32. 8. 66. 50. Terebinthus, sub qua Jacob suorum idola defodit, cum Quercu Sichem eadem à quibusdam putatur; maluerim Terebinthum penes urbem, & Quercum in urbe describere.
33. 2. $\frac{1}{2}$ 67. 10. Terra Chabul. V. Chabul.
32. 0. 75. 0. Terra Chellon, Jud. 2. v. 13. videtur in Arabia & penes Euphratem.
31. 36. 67. 45. Terra Hom, in qua olim populi Zuzim à Chodorlahomore & fociis ejus percussi, Genes. 14. v. 5. Vulgata lectio legit, cum eis, pro in Hom. Percusserunt (inquit) Raphaïm in Astaroth-Carnaïm, & Zuzim cum eis (alii legunt in Hom) & Emim in Save Cariath-aïm. Lectio in Hom verisimilior videtur, ut singulis populis regio aliqua detur.
32. 55. 68. 10. Terra Hus Basanitis pars putatur, ubi Theman, Sueta, & Naamath urbes, aut dominia, aut prædia sunt, ex quibus Eliphaz Themanites, Baldad Suhites, & Sophar Naamathites vicini, & amici Job, illum visitarint; qui in Terra Hus degebat.
32. 2. $\frac{1}{2}$ 67. 45. Terra Thob. Illa fuit, ut apparet, in confiniis Galaaditidis, & Moabitaram, & Ammonitarum: penesque aut ubi ipsa urbs est Maspha patria Jephthe.
32. 32. $\frac{1}{2}$ 65. 53. Thabor decima quarta est inter urbes sexdecim Tribus Isachar, quas Josue describit 19. v. 22.
32. 39. 67. 0. Thabor urbs. V. Ceseleth-Thabor.
- Thabor mons. Hujus prima mentio est Judic. 4. v. 6. ad quem Debora præcipiebat, ut Barac exercitum duceret, pugnaturus contra Sisaram. v. 12. Nunciatum est Sisaræ, quod ascendisset Barac filius Abinoën in montem Thabor. v. 14. Descendit Barac de monte Thabor, & decem millia pugnatorum cum eo, &c. In Psalmis & Prophetis mentio est hujus montis Thabor, nulla apud Evangelistas, nec in toto Novo Testamento: unica tamen eaque constans est traditio, Christi Transfigurationem factam esse in monte Thabor. Ithabyrius mons est Josepho, aliisque. Joseph. 4. Bell. c. 6. Mons Ithabyrius est inter Campum magnum & Scythopolim septentrionali tractu inaccessus, in vertice 20. stadiorum planicies patet, tota muro circumdata, hunc ambitum quadraginta diebus ædificavit Josephus... & in eum statim magna multitudo hominum congregata fuit... sed à Placido Romano in aquæ penuriam redacta, fide acceptâ se dedit.
32. 42. 67. 33. Thacasin, Jos. 19. v. 13. urbs in orientali limite Tribus Zabulon; inter Geth-epher, & Remmon-Amthar.
30. 30. 66. 0. Thahath Israëlitarum mansio in deserto; inter Maceloth, & Thare, Numer. 33. v. 26. 27.
33. 55. 53. 30. Thalassa urbs in Creta Insula propè Boniportum; legunt alii Lasæam in navigatione Pauli, Act. Apost. 27. v. 8.
- Thalassar, ubi Eden. V. Eden.
31. 7. 66. 51. Thamar. Ezech. bis meminit urbis aut loci Thamar: quod nomen idem est atque Palma, ideoque pene omnes cum Palmira urbem eandem faciunt. Sed Thamar Ezechielis cum Palmira nullomodo convenit, melius forsitan cum Afason-thamar, quæ & Engaddi. De Terra Israëlitarum sive Promissa agit Ezechiël 47. v. 19. Plaga autem australis meridiana à Thamar